

宋

會

要

茶法雜錄下

紹興五年六月十八日詔福建路轉運司并建
州每年合起大龍鳳并京鏈茶並自來年為始減半起
發先是上言福建歲有上供龍鳳團茶數目甚多今錫
賚既少無所用之枉費民力故有是詔七月二十三日

臣寮言州縣之獄有不能即決者私商販獲根究來歷是也且販私商者皆不逞之徒有販獲禁勘而素與交易者多不通吐以爲後日販鬻之計所牽引者類皆畏謹祖有生計之人官司不追證則謂之結勘咸裂一追證則無辜者受弊且以快其平日不與交易之憤暨至明日得釋有不可勝言者矣司獄利其如此又根究而別追治是致獄戶填滿嚴冬盛夏死損者常有之豈不上累仁聖之治孤欽恤之意乎夫產茶鹽地分根究來歷者故欲止絕私商而小人用意如此交易者以其不通吐而無復疑畏謹者恐其結讎恨而不敢拒是使不逞者愈得意於其間也臣謹按祖宗法應犯權貨並不

根究來歷止以見在為坐今若不問是與不是產茶鹽地分一切不根究來歷止以見在結斷不惟囹圄可致空虛而私販者即伏刑憲亦將止息矣詔令戶部限三日勘當中尚書省既而戶部言據榷貨務都茶場勘會不像出產州軍捕獲私販茶鹽之人依法自不許根究來歷其出產州軍捕獲私鹽如係徒以上罪及停場禁界內杖罪及獲私茶並合根究來歷雖有紹興令稱犯榷貨者不得根問賣買經歷處即係海行條法緣紹興勅內該載一司有別制者從別制又緣諸處私茶鹽並係亭竈園戶賣與販人今若一概不行根究來歷深恐無以杜絕私販之弊却致侵害官課今欲乞遵依見行茶

鹽專法施行詔依戶部勘當到事理如犯其餘確貨並
以臣寮所陳施行從之十一月二十三日詔私販川茶
已過抵接順蕃處州縣於順蕃界首及相去偽界十里
內捉獲犯人並從軍法若入抵接順蕃處州縣界未至
順蕃界首捉獲者減一等許人捕所販物貨並給充賞
如物貨不及一十貫即依紹興五年十月三日已降指
揮支給賞錢其經由透漏州縣當職官吏公人兵級並
合減犯人罪一等九年八月二十六日奉執進呈戶部
員外郎孫邦泰私酷條已免拆屋私茶鹽尚有籍浸法
亦乞蠲除上曰法若果弊固不可不亟改若行之已久
無甚大害且循祖宗之舊可也十二年四月二十八日

戶部言據浙東提舉茶鹽司具到本路州縣紹興十年
一全年批發住賣茶增虧數目并合賞罰當職官名銜
申乞取旨賞罰施行詔最增去處當職官與陞一年名
次最虧去處當職官各降一年名次五月八日刑部言
湖北提舉茶鹽司恩誠劄子檢準紹興十年六月十九
日敕節文刑部看詳茶園戶有違犯條禁依法合追賞
者如係二罪已上俱發只從重賞追理本司看詳犯茶
人情犯不一假令初一日甲使乙擔私茶二十斤往州
西販賣初二日甲又使丙擔私茶五十斤往州東販賣
未賣過間初三日州西者為弓手捉獲州東者為土軍
捉獲同日到官即是二罪俱發州東者為重罪若只據

五十斤追賞未審弓手合與不合與土軍均給賞錢亦
未審^{報案}各人二罪俱發合與不合從重追賞下大理寺看
詳據本寺衆官參酌前項事理緣依律二罪以上俱發
以重者^論諸既斷罪從重其賞亦合從所得重罪進理若
逐項告獲^同到官難以上給告獲重罪之人即欲乞比
附應賞而係二人以上者分受功力不等者量輕重給
之條法施行其茶園戶犯私茶二罪以上俱發亦合從
重追賞本部尋行下都茶場去後今據本場申切慮追
賞數輕少肯告捕使冒法規利之徒得以為姦侵害客
販有虧課^少人今欲乞下法寺重別擬定立法施行據本
寺重別參詳上件因依不循立法外其私茶公事各被

逐地分人告獲同日到官合行各追賞錢如係一名或
二人以上共告獲者即合依紹興十年六月十九日指
揮從一重追賞內二人以上均給施行所有販茶客人
二罪俱發亦遵依今來所降指揮施行從之六月二十
七日戶部言契勘福建臘茶長引依法許販往產茶路
分并准南京西等處州軍貨賣緣淮南等路已置榷場
給降臘茶前去充本折博支用切慮客人冒法私相交
易欲乞將福建臘茶長引並不許販往淮南西等路
止於江南州軍貨賣仍令沿江州軍當切檢察施行從
之九月十三日赦潭州合起紹興六年至八年分拖欠
大方茶價錢昨已放令免一年其餘一半分限三年帶

發及九年十年分合起錢已令限一年作兩次起發可
並與放免其紹興十一年分未起數令限一年作兩次
起發二十三日戶部言據行在都茶場申勘會客販諸
路草末茶在法並有限定許販斤重惟福建路臘茶即
與諸路草末茶大段不同訪聞冒法射利之徒多與山
場園戶私相計合將上等高品茶貨却作下等細計批
引請囑合同場公吏通同作弊以至經由海道抵冒法
禁理合隨宜措置今條具下項一今措置福建園戶等
處臘茶自今降指揮到日不許與客人私下交易如違
依臘茶法斷罪追賞並仰將所造鏤截片鉗臘茶不以
等第高下價例多少並中賣入官仍令提舉官於逐州

鑄石勝

卷之二十一

四

軍量度產茶遠近置買納茶場將山場見賣價上增搭
五分於當日支還價錢收買謂如每斤十貫增添以五貫作十五貫之類以示
優潤園戶其買到鑄子戩子逐色臘茶令提舉官計置
起發赴行在送納其買納茶場買到逐等片鏈臘茶仰
本場於元買價上增搭三倍謂如每斤一貫增搭三貫
五百文上更增三以逐等片鏈茶品搭打套逐時往合
估作六貫之類
同場令客人請買依新法鈔引納錢請買興販施行一
諸路州縣鎮寨等處應客人及鋪戶見在已未開拆并
未到住賣處臘茶不以成引不成引之數並限今來指
揮到日住行貨賣州委管主官縣鎮等處委令丞或巡
尉日下分頭躬親詣停塌店鋪等處盡數抄劄并引拘

帥
在
師

收入官依市價用官錢支還價錢許於經總制錢內取撥一契勘客販臘茶輒裝上海船經由海道雖已承指揮依紹興五年正月二十七日指揮販物人并船主稍工並皆處斬水手大兒各流三十里皆刺配十里外州軍牢城元保人各徒三年分送五百里外州軍編管訪聞日來尚有不畏法禁規利之徒依前般載臘茶經由海道販賣緣州縣當職官吏坐視全不用意禁戕是致客販違法公行今檢準紹興七年四月二十九日指揮客人乘海船興販牛皮筋角等貨膏仰沿海州軍嚴切禁止仍仰通帥憲司常切措置覺察其經由透漏并元裝發州縣知通令各當職官吏並按劾以聞依已降指

揮並流三十里各不以去官敕降原減欲乞今後常職
官透漏客販臘茶經由海道並依前項紹興七年四月
二十九日指揮施行詔並依福建仍委程邁與韋壽成
同共措置二十八日詔福建路轉運司將逐年供進京
鏈茶料製造作大龍餅子依數如法封角依大龍茶題
寫充國信使用令別作一項差人投進十一月十日臨
安府通判呂斌言切見朝廷措畫茶法就行在置局今
欲乞朝廷相度將福建路茶事司依舊移歸建州專一
主管每歲買發臘茶從之十二月十二日戶部勘會臘
茶係貴細品色最高客人興販利厚若不措置切恐冒
法私販今相度如客人願販鈐截片鏈臘茶套過淮南

勝

勝

乞在已

京路近襄州軍等處背賣鈔鐵臘茶二十五貫套更貼納錢一十五貫文如不曾貼納引錢擅自過逐路及

邊州軍販賣者並依私臘茶法罪賞許諸色人告捉經

由州縣失覺察當職官依違戾茶法各徒二年並不以

去官赦降原減戶部續承指揮編打一十二貫五百文

鈔截茶小套乞貼納錢七貫五百文於前後指揮別無

違礙從之十三年二月三日戶部言湖北路提舉茶鹽

司申為沿路鋪兵盜採生茶私自蒸造與過往兵級公

然交易乞依監司兵級指揮施行內鋪兵依園戶法候

斷訖送移本路不產茶重難鋪分節級降充長行長行

降所至處下名收管據都茶場申契勘在法即無鋪兵

文十五貫

盜採茶貨賣與過往軍兵專一斷罪明文今勘當欲依
本司所乞事理施行內鋪兵盜採生茶所為重者自從
重諸路依此從之十七日戶部言知楚州紀交申為客
茶改指盱眙軍恐客人已過楚州未到盱眙沿淮近岸
冒法私渡乞降關子數萬貫充盡數拘買客人茶引之
直將指盱眙軍茶貨依本軍榷場博易或用錢關子盡
數對買等事據都茶場申看詳本官所乞若令本州拘
買客販茶貨有礙成法外今相度欲乞應客人販茶若
往盱眙軍住賣並仰楚州主管茶事官即時開具茶引
斤重客人姓名引料字號入急遞關報本軍及沿淮官
司遞相覺察若盱眙軍住賣仍仰本軍先次置籍抄上

候到銷籍若約程不到即行根究施行魚恐楚州往賣
茶貨以出城貨賣為名因而犯法私渡仍乞下本路提
舉茶事官嚴約束沿淮巡鋪官司常切禁戢毋令透漏
從之三月二十三日戶部言據都茶場申今依應立定
住賣批發茶最增虧去處賞罰下項最增一分以上減
一季磨勘三分以上減半年磨勘五分以上減一年磨
勘七分以上減一年半磨勘八分以上減二年磨勘一
倍以上減二年半磨勘最虧一分以上展一季磨勘三
分以上展半年磨勘五分以上展一年磨勘七分以上
展一年半磨勘八分以上展二年磨勘一倍以上展二
年半磨勘降一資除依見行條法本部尋送檢法案

參詳及司勲刑部審復訖從之閏四月二十四日臣寮
言竊見創置茶司降付本錢權買見今中納數目百未
及一已見買納不行暗失去邈年引錢一百餘萬貫文
欲望量增引錢仍舊且許客販戶部看詳欲依所乞福
建州軍買納茶場自今降指揮到日住罷收買並許客
人依舊法赴都茶場買引前去本路所指州軍合同場
勘合文引下場與園戶私下交易依引內訴販斤重買
茶赴官秤掣批發興販施行其餘事件並依自來條例
從之七月十八日提舉湖北茶鹽司言檢准紹興八年
十一月三日勅節文犯私鹽人除流配自依本法外徒
以下並令示衆五日遇寒暑依本法契勘本路係產茶

地分緣茶鹽事屬一體所有販茶人欲依犯鹽人已得指揮從之十四年三月十九日戶部言兩浙西路提舉茶鹽司申客販茶經由州軍縣鎮稅務及住賣官司不切點檢覺察雖批鑿文引官員不行印押呈乞依客販鹽從杖一百科罪本部欲依所申事理施行諸路準此從之二十六日戶部據淮南東路提舉茶鹽司申客販茶所以冒法私渡淮河一則獲利至優二則避免榷場貼納官錢今措置欲將元指淮東住賣茶水路不許過揚州高郵縣願往楚州及盱眙軍界者即於高郵縣先往榷茶場貼納鬻引等錢如願往榷場折博依先降指揮更收逐等鬻引錢一倍若由陸路止許到天長縣住

賈如願往盱眙軍樞場折博茶貨今天長縣並依高郵
縣納逐錢數如獲到私渡茶貨欲乞比附紹興稅復私
茶以一斤比二斤推賞從之十五年九月二日提舉浙
西茶鹽鄭僑年申勘會已降指揮諸州監門官檢察獲
到私鹽及有透漏並依巡尉格法賞罰所有客販私茶
乞依鹽事已得指揮施行詔依其餘產茶路分准此二
十三日詔漢州什邡縣彭州濛陽縣壩口鎮合同茶場
場歲收息錢以紹興十二年所入之數為額從都大提
舉茶馬司請也二十一年七月十九日宰執進呈勅令
所編類茶鹽法成書欲擇日投進上曰今茶鹽法已定
令久遠遵守往時隨事變更雖可起辦目前入納稀少

却非善計八月四日宰臣秦檜等奏言臣等今將元豐
江湖淮浙路鹽勅令格并元豐四年七月二十三日後
來至紹興十年三月七日以前應^于於茶鹽見行條法并
續降指揮逐一看詳分門編類到鹽法茶法各一部內
鹽法敕一卷令一卷格一卷式一卷目錄一卷續降指
揮一百三十卷目錄二十卷共一百五十五卷合為一
部茶法敕令格式并目錄共一卷續降指揮八十八卷
目錄一十五卷共一百四卷合為一部并修書指揮一
卷以上茶鹽二書共二百六十卷作二百六十冊乞下
本所雕印頒行內鹽法冠以紹興編類江湖淮浙京西
路鹽法為名茶法冠以紹興編類江湖淮浙福建廣南

京西路茶法為名所有事屬一司一路一州一縣等條
法指揮不係今來編類者自合依舊遵守上曰茶鹽前
後指揮條目繁多今編類成書纖悉具載若能遵守永遠
之利也先是八年七月七日樞密院計議官陳康伯言
臣竊惟茶鹽成法纖悉備具載之簡策布在有司然閱
時既久續降益多或臣僚因事而建明或朝廷相時而
增損前後重複科目實繁昨者雖降旨取索編類未見施
行伏望委官審訂勒成一書鏤板行下使諸郡邑有所
遵承或無抵牾至是始成書二十五年九月十七日奉
執進呈次因論前日臣僚建言欲於產茶地分就差官
置場收買庶免私販之患上問今天下一歲茶利入幾

何泰增奏曰都茶場等三處共得賣茶鈔錢二百七十餘萬緡上曰比承平時陝西諸路故其數止此二十六年六月五日祕書省正字張震臣伏見四川產茶內以給公上外以羈諸戎國之所資民特為命異時所在茶場每貨茶百斤以上必有所增予謂之加饒所以優商官自捐之民則無與自都大韓球行刻剝之政希增羨之課於是始取償於民盡舉所捐增為正額或一場至三三
十萬茶既不足則併採薪芽來年轉荒舊產愈負自此以來額未嘗足民日破貧甚者流無所訴且民者茶之所自出商者茶之所自行優商而困民是浚其流而竭其源也又民知輸官不補所得於是強悍之民起

為私販姦猾之家聚為淵藪以為苟保於朝暮孰與坐待於死亡其獎若斯將損國計陛下聖恩寬大而下吏弗能究宣其將何以稱盛德臣願陛下特降睿旨行下四川茶馬司將韓球以前茶額比今所取裁酌施行庶幾民力稍可復舊上以彰陛下仁愛之澤下以為四川根本之計不勝幸甚從之二十七年六月二十六日尚書省言告捕私茶鹽雖有賞格若不增重無以激勸魚次第保明多有阻滯詔今後命官捕獲私茶鹽依賞格各處增一等諸色人賞錢各增五分應合得賞人茶鹽司限三日勘驗保明申奏賞錢限當日支給二十八年七月十二日知復州何槃言臣切見荆湖北路所賣茶

引歲有常額若遂州只依邈年之數分認發賣其間却
有人煙戶口繁庶去處食茶甚衆年額不多是致小商
私行販賣以規其利兼有人煙戶口未及前時而引數
頗多科及保正甚者不問貧富以丁口一例科抑詔下
荆湖北路提舉茶事司將給降去茶引參酌一路州郡
人戶多寡通融措置招誘客旅從便請買即不得違法
抑勒科擾人戶十月七日刑部言江東茶鹽司申冒法
之人請買茶引般販茶貨經由渡口載往淮南私拆散
賣却收執元引歷面過江私織籠節重叠影販私茶乞
今後客販淮南長引茶令秤發官司先取問客人所指
籍賣州縣於引背批鑿經由場務及添入合過沿江官

渡仰買撲渡人照引書鑿經由渡口月日姓名押字即時放行如渡口買撲人受俸不行批引縱放私茶之與正販茶人^犯一等科罪本部契勘諸監臨主司受財枉法與不枉法稅務故縱權貨及堰閘應搜檢人故縱各有立定條法令來申請沿江渡口買撲之人受俸不行批引縱放私茶欲依堰閘故縱權貨減犯人二等斷遣如受財重者即係有事在手為監臨合依監臨之例若因而無故留難邀阻自依本法斷罪施行從之三十年二月五日都大茶馬司言夔州路所產茶祖宗舊法未嘗禁權政和後來主管茶馬官累次申乞賣引皆以民夷不便不曾施行止緣都大提舉官符行中約束夔茶不

通志

許販入潼川府路後於紹興二十三年內據達州申乞
收納客人關子錢數通放入果渠等州變賣本司遂申
明朝廷於潼川府路果合渠等州廣安軍管下與夔路
接界縣分置合同場賣引於紹興二十四年內起置後
於紹興二十七年十一月內准行在都茶場牒坐知忠
州董時敏奏條其便民事件內一項乞將本州管下龍渠
縣所產茶依祖宗舊法免行禁榷牒本司依條施行是
時都大提舉官許尹到任之初未詳曲折遂以置場累
年漸成倫緒回申戶部後來許尹在官則久究見禁榷
以來商旅不通委於民夷不便遂於紹興二十八年十
一月內具申尚書省乞將夔路茶住罷禁榷權後准戶部

符止依已降指揮施行本司今再行詢究夔路茶味若
價低不比州路茶貨檢照得先據達州申本州東鄉縣
出產散茶并餅團茶自來客人止販餅團茶每團二十五
斤茶價每斤一百二十文計三貫文販致渠州沿路脚
稅三貫五十文及買官引錢二貫五百文共八貫五百
五十文到渠州約度中價止賣得六貫五百文自此客
販不來興販本司今紐算客販夔茶一百斤共三十四
貫二百文止賣得價錢二十六貫文緣客販川茶內中
次等每一百斤約用買茶本錢及脚稅并買官引錢不
過四十道約度賣得五十道其夔茶見今與川茶一等
收納引錢一十道如此灼見夔茶因難以乘載引息客人

夔州渠

興販不行一切見夔茶自熙豐立法之後並不禁榷始
自紹興二十四年內創於夔州路接界縣分置場買引
後來每場年所收引錢不過七八千貫今將夔合州管下
合同場紹興二十八年一全年所賣茶數計算共賣過
五萬餘斤所收引錢止計五千餘貫比之日前愈更數
少却於逐州軍所收省額稅錢虧損不少恐非經久可
行欲望將夔路茶住罷禁榷榷遵依理祖宗舊法施行委為
一方經久利便本部欲依所申事禮施行從之三月一
日行在樞貨務都茶場言準紹興六年八月二日指揮
每年茶鹽等錢收及一千三百萬貫官吏推賞今來逐
務場自紹興二十九年正月四日至今年正月三日終

計收到茶鹽乳香等錢二千四百一十萬八千三百九
貫六百二十文內除閏月收到錢二百二萬三千二百
五貫二百三十文外計收赴到錢二千二百五萬五千
一百四十貫二百九十文詔依所降指揮推賞三十一
年四月七日臣奏言郃武軍管下四縣有產茶備錢歲
納之數通不及一千七百緡昨行經界日應鄉民植茶
雖止一二株盡籍定為茶園數納價錢無慮數千戶後
雖荒廢無復存者所科錢依舊輸納入官司以有名額
不敢住催而逐年催到之數常不及十之五六臣恭聞
仁宗皇帝時趙抃為嚴守民籍有茶稅而無茶者抃為
奏蠲之民至今受賜乞下有司究實盡行蠲免詔令戶

部看詳九月二日敕勘會四州茶額已行檢定訪聞茶
鹽場只於大額內自減應副不及之數其中下等園戶
並不與減損虛額致山民依前困苦未稱寬恤之意可
令茶馬司取見指實將虛額與中下等園戶裁減如違
許園戶越訴會安紹興三十二年李永即位未改元八月二十三
日中書門下言自今應有犯販私茶鹽仰官司依法根
治不得信憑供指妄有追呼違者許被擾之家越訴承
勘官吏當重置于法從之孝宗隆興元年四月六日上
封事者言建州北苑焙所產臘茶每歲漕司費錢四五
萬緡後夫一十餘人往往以進貢為名過數製造顯是
違法詔福建轉運司常切覺察仍具每年造茶的實合

用錢數聞奏二十二日詔今後提到私茶依龍安縣園戶犯私茶體例及十斤以上將戶下茶園估價召人承買將五分收沒入官五分支還犯人填價從都大主管成都府利州等路茶事績感請也八月二十七日詔四川都大提舉茶事司茶場趣辦息錢如收及新額從本司保明將監官與減一年磨勘主管官減半自隆興元年為始從本司請也二年七月二十二日臣寮言自來茶鹽同法於請納外隨其所指並不收稅近日客人販茶過淮遂開收稅之例謂如盱眙軍一處茶到本軍每引稅錢十貫方許過淮後來更於十貫上添收七貫並無分文歸朝廷乞行拘收詔令淮東西宣諭司同逐路

項作須

提舉茶鹽司措置於是淮東宣諭使錢端禮言契勘得客販長引先降指揮水路不許過高郵縣陸路不得過天長縣如願往楚州及盱眙軍界住賣每二十三貫并二十六貫引各貼納鬪引錢十貫五百批引前去如到楚州盱眙軍鬪改欲淮北州縣每引更貼納錢十貫五百文盱眙軍每引收回貨稅錢二貫所收回貨稅錢即非朝廷指揮欲行住罷所有客人販茶水路欲過高郵縣陸路欲過天長縣及批改至鹽城縣并滁州等處茶引合收錢及從提舉司行下逐處令項椿管每季申提舉茶鹽司檢察仍委淮東總領所專一稽考到日盱眙軍胡堅常又言客人販茶水路欲過所納官錢已是太

重所有本軍稅錢安是重疊乞免行收納並從之十月
八日江淮都督府准備差遣李椿言靜江府修仁縣及
鬱林州兩處產茶其味如藥茶價不及買引之數無人
算請乞聽人戶從便興販出青經由州縣每百斤收稅
錢二百文詔依仍令廣西轉運司將先降去茶引依見行
條法指揮依舊招誘客人算請興販乾道元年正月十
九日詔茶長引依紹興三十一年體例限半年權於短
引地分住賣下提舉茶事司令逐州軍主管拘收長引
毀抹令客人指定住賣州縣給公據前去其約束程限
等並依見行條法仍關報沿路及住賣官司檢察放行
拘到茶引依條發赴所屬收管三月二十三日淮南東

路兵馬都監張藻言乞降茶鈔四千引為錢三萬六千貫下出產茶處委官裝發赴行貽軍過界出賣可準得銀四十錠以助歲計從之後藻措置無折博到銀數徒防商販有旨降三官放罷所有隆興府江州已發到博易茶令淮東路茶鹽司拘收變賣十月十三日湖南提舉茶鹽司言本路批發住賣茶鹽取紹興七年之數立為定額比較增虧今乞將重額諸州與減十分之二戶部言立額比較並是違法詔本司將違法立額事日下改正以本年實收到數與逸年比較取一路州數最增最虧數一處供申三年三月二十五日戶部侍郎李若川言客販草末茶小引元指淮南近裏州軍住賣却願

改沿淮州軍住賣者每引納鬻引錢十貫五百文改推
場折博者每引再納鬻引錢十貫五百文其引推場又
合納通貨牙息錢十一貫五百今聞客人規避多私渡
淮不唯走失鬻引錢又失推場所收之數欲乞將兩淮
州軍住賣茶引並就買引處每引只貼納鬻引錢十五
貫五百許從便住賣及推場折博大引隨貫例紐納所
有通貨牙息錢依舊餘依見行條法指揮從之七月八日
戶部侍郎方滋等言自南北通和之後茶引錢理合增
羨今三都茶場合賣茶引愈更虧少私賣盜販侵奪國
課有新授舒州通判胡儔屢條陳茶利未經試用今欲
乞專委胡儔帶行新任支破請給人從理為在任月日

躬親前去江西產茶州縣與守令及主管官同共措置
革去舊弊向去增羨乞將胡傳陞擢以為激勸詔胡傳
特改添差通判興隆府仍釐務十月三十日四川茶馬
司言已立罪賞禁販茶子入蕃近有姦猾之人却將已
成茶苗公然博買入蕃乞依茶子罪賞指揮戶部言紹
興十二年十一月二十五日指揮園戶收到茶子如輒
敢販賣與諸色人致博賣入蕃及買之者並流三千里
其停藏負載之人各徒三年分送五百里外並不以赦
降原免許諸色人告捉每名賞錢五百貫內茶園戶仍
將茶園籍沒入官州縣失覺察當職官並徒二年科罪
今茶苗比之茶子為害尤重乞依本司所請從之三年
三月三日臣僚言川秦茶馬兩司自紹興十九年至三

十二年官司積欠總計六十六萬四千九百餘貫並係無可陪填乞將紹興三十二年前應有欠負茶馬司錢物並與除放從之三年十二月十二日行在都茶場言准乾道二年三月二十五日指揮應指兩浙州縣住賣者並就買引去處貼納餉引錢十貫五百許從便住賣及榷場折博近來不住據所屬申明客人於指揮之前已買引乞依舊法免貼納餉錢詔將乾道二年以前請買到茶引未曾起茶並就起茶去處貼納餉引錢訖批上文引方許批發放行八年五月二十三日詔行在建康鎮江府都茶場并應賣茶引官司客旅等請長引裁自今指揮到日算請長引每引止貼納餉引錢七貫若

請存陳

再改往椎場折博止納通貨牙息錢八貫其餘錢數與
行免納四年九月十二日詔准東提舉茶鹽公事俞召
虎特轉一官幹辦公事蔣志祖減三年磨勘以乾道三
年分住賣茶鹽增羨故也五年二月二日詔今後四川
茶園戶私販茶並依舊法其隆興元年四月二十二日
續歲申請指揮更不施行以臣寮言切詳茶馬司前官
續歲申請止謂禁絕園戶不得賣與私販之人虧損官
課今來園戶般茶赴場批賣或有批歷違限或有歷不
隨茶或有借歷批賣或有茶數與歷內不同或有茶貨
不般赴場或有栽種茶窠未曾自請團結或有般茶赴
場無官給封凡此等類州縣一例拘沒茶園是致山谷

窮民破家失業故有是命六辨三月一日詔將三榷貨
務都茶場收到茶鹽等錢各行立定歲額行在務場八
百萬貫建康務場一千二百萬貫鎮江務場四百萬貫
如收赴及額方得依例推賞四月二十四日戶部侍郎
江浙荆湖淮廣福建等路都大發運使史正志言訪聞
販茶客人避納餽錢往往私販過淮折博暗失課入令
措置其短引茶並依舊令客旅於江南任便興販所有
過江長引並從禁戢乞許本司於江西積壓未賣茶引
內支請買茶於淮南京西榷場折博其客人已買過長
引將納過引價并貼納餽引錢紐計於見賣茶引去處
貼換短引從之五月二十七日詔筠州茶額與三分中

減免一分立為定額從知筠州曹遜請也六月十八日
戶部侍郎發運使史正志言淮南京西軍軍係住賣長
引茶貨地分近承指揮令住與張松措置禁戢私販茶
貨不得過大江今照得湖北路係短引地分其漢陽信
陽軍復州等處並在江北連接淮西京西榷茶路場乞
下所屬與勘如逐州軍未曾改作長引理合一體從之
七月二十五日史正志言本司買茶一千六百餘引見
過兩淮折博而兩淮總領所歲費長引過江餽引錢約
一百餘萬貫顯是相妨切緣本司累月禁戢私販絕無
透漏是致淮上茶價踴貴每引可得息錢十五十以上
已同總漕兩司共議今年且乞與商販並行其江西見

今有木曾過江茶貨尚多欲每引量收息錢十千膏與
客人前去從之其後七年四月二十三日大理正兼權
度支郎官卓慶言今來發運司已行住罷所有長引茶
貨合依舊法許客旅興販其發運司每引收息錢十膏
本司既不與販茶貨自不令收納欲下諸路提舉茶事
司行下所部州縣遵守無致阻滯商販從之十二月九
日詔推貨務都茶場收名茶額鹽錢增羨應合推賞去
處官吏等照應年例格法推賞如或虧欠比附責罰七
年二月十四日冊皇太子赦應民間舊欠茶鹽錢有元
係祖來身分少欠至孫及曾孫尚行監繫償還實可矜
憫可自乾道五年以前有似此之人官司審實並與除

放九年十一月九日南郊赦民間舊欠茶鹽錢將乾道
五年終並與審實除放尚慮州縣奉行不虔失寬恤之
意仰提舉茶鹽官檢察開具已放過名件申奏或有違
戾許監繫家屬詣臺省越訴十二月二十五日詔福建
路鈔截片鈔茶昨來並係一十六兩為一斤每斤收錢
一文今以鄉原斤重鈔截茶係五十兩為一斤片鈔茶
係一百兩為一斤每斤增收五文從福建計度轉運使
副沈樞請也八年五月二十三日龍圖閣待制兼權戶
部侍郎楊俊等言客販長引茶貨內草茶每引并頭子
等錢共納二十四貫四百八十四文末茶每引并頭子
等錢共納二十七貫六百七十七文短引並頭子等錢

止共納二十三貫四百有奇其長引依法指往兩淮京
西路州軍住賣比之短引價高又每引就買引官司貼
納翻引錢十貫五百若再往榷場折博又於榷場納通
貨牙息錢十一貫八百切詳貼納兩項大段數多致客
旅避免多是收買短引影帶私賣長引因此積壓國課
乞自今降指揮下日以筭請長引每引止貼納翻引錢
七貫若再改往榷場折博止納通貨牙息錢八貫其餘
錢數與行免納從之十二月二十九日詔自來年正月
一日為始將行在務場筭請茶鹽六分輕齎內須管用
二分銀入納鎮江建康務場依此從戶部侍郎楊俊請
也 以上乾道會要

宋會要

淳熙元年正月二十七日湖廣總領所言今年歲計茶引數內江西長引一十五萬貫乞改給湖南草茶長引二萬貫其餘一十三萬貫依乾道八年九年例盡行換給短引降付本所品搭變賣轉應接大軍支遣戶部勘當江西短引係行在指撥給賣之數若盡行換給有妨行在支遣若不量行換給恐本處却致妨闕乞將已降江西茶長引一十五萬貫改降湖南草茶長引五萬貫江西短引一十萬貫後之二月十四日詔自今建康務場歲終收趁茶鹽等錢及額總領與比附左右司減半

推賞二年五月二十七日詔戶部將江西湖南北長短
茶引各權以一半依每引元五斤重錢數分作四貫小
引印造給降其餉引貼納等錢隨小引紐計送納不得
增減六月十六日行在權貨務都茶場言準乾道六年
四月二十七日指揮住給鎮江入納免稅公據遂致務
場入納稀少左右司看詳乞自今客鋪將鈔引在臨安
府變賣到銀兩許召在城產稅及店業有行止人二名
委保經提領務場所陳狀行下務場勘驗詣實以千字
文為號注籍用大字填實日給據付客人給由場務即
時照驗批鑒通放限十日至鎮江務場入納自給據日
令務場排日三次其字號月日姓名牒報鎮江務場候

到即時拘收公據毀抹訖次日繳赴行在務場照應銷
籍仍每旬開具違限不到公據申提領所行下追元保
人根究斷罪追收經過合納稅錢如務場不填實日亦
重作施行若有乞取阻抑許容人經朝廷赴訴從之同
日詔今歲合降湖廣總領所江州長引並改降短引其
價錢理充行在都茶場給賣之數以都茶場言湖廣總
領所江州通判廳自来以長短引品搭近緣出賣不行
給換江西路短引其短引係是都茶場合賣之數恐侵
損課入故有是命八月十三日湖廣總領劉邦翰言給
降到短引三十萬貫付本所變轉充閏月支用於本所
委是快便其間亦有客旅陳乞願買湖南北快便州軍

長引之人今欲於合降本所歲計短引三十萬貫外更
行印降湖南北近便州軍長引一十萬貫下本所發賣
將所賣錢會子別項椿管聽候朝廷科使詔後之仍令
將賣到長引價錢發赴鄂州別項椿管三年二月十三
日湖廣總領所言承給到淳熙三年歲計茶引七十五
萬二千餘貫又給降長引三十萬貫委是數多必致積
壓乞將江西路草茶長大小引一十萬貫并江西州軍
長短小引二十萬貫並行換給江西路二十二貫例茶
短引從之十八日詔自今州縣不依條限拘繳茶鹽
引從本路提舉司檢察並依奉行茶鹽法違戾徒二年
斷罪其比較增虧賞罰亦依紹興二十八年十月四日

指揮以繳到引日為數比較

從江東提舉司請也

四月二十七日

詔交引庫印造二十二貫例茶短引七萬五千貫付江
西安撫司二十二貫例短引三萬貫付江州通判廳仍
令逐處將已降去四貫例茶小引依數兌換却行繳赴
行在都茶場送納其總領所既稱四貫例小引客人不
願請買如日後遇有給降到外路一半小引更不給降
先是湖廣總領所乞給降江西安撫司茶引一十五萬
貫江州通判廳茶引六萬貫內有小引數目客人不願
請買乞行換給茶短引付逐處出賣應副支遣事下都
茶場指定來上故有是詔四年九月二十六日新知梁
山軍錢盈言四川比較茶鹽增虧乞將有餘以補虧數

不可以立為增額後之五年正月二十九日權戶部侍郎劉邦翰言被旨令擬定湖廣總領所出賣茶引今相度總司除歲計外更可發賣茶引二三十萬貫近準省劄內坐到茶引一項係朝廷發賣椿管之數今擬定乞日下給降江西長引五萬貫短引二十五萬貫品搭給賣詔行在務場印造限二月上旬起發前去仍將賣到錢別項椿管非奉朝廷指揮不得擅支二月十三日提舉四川茶馬朱佺言入蕃茶大觀間歲賣二十萬斤至乾道四年威州守臣湯尚之奏請以五十萬斤為額藩戎歲市已久比之舊法委是數多今若驟減其數竊慮蕃戎朕望事干邊防詔每歲以四十萬斤為額既而仍

舊放賣五十萬斤以都太茶馬司言威州蕃部屢以此為辭恐致生事故也六月二十四日四川制置使胡元質都大提舉茶馬吳總言川蜀產茶祖宗時並許通商熙寧以後始後官榷歲課不過四十萬建炎軍興改法賣引一歲所取二百餘萬比之熙寧已增五倍繼以聚歛之臣進獻羨餘增立重額每歲按額預俵茶引於合同場甚者至徑將茶引分俵以致園戶困敗產去額存臣等申請置局委官審實糾決涉歷兩年推核增虧之數合減放虛額一百四萬三百斤其引息土產稅錢共一十五萬二千九百九十四貫詔並與除放先是四川總領李繁言茶馬司歲減馬七百疋為錢二十一萬乞

與茶戶對減重額詔四川制置司同茶馬司公共相度
經久有無妨闕利害以聞至是元質總相度來上故從
其請七月七日詔權貸務都茶場印造茶小引三千道
給降湖北安撫及提舉司給賣仍於引內令項分明開
說除合納管錢外不得更收應干糜費其賣到錢並起
赴湖廣總領所椿管非奉朝廷指揮不得擅支六月六
日福建提舉周頡言福建一路茶引斤重從來舊法鑄
截片鋌並以十六兩為一斤至乾道七年內措置以販
茶引錢太重得茶數少客旅艱於興販遂使鄉源斤重
鑄截茶以五十兩為一斤片鋌茶以一百兩為一斤比
之舊法遂增數倍可謂優潤極矣訪聞本府合同場每

過茶貨到場之時更有額外加饒增添斤重委有情弊
乞下福建路提舉茶事司仰照應前項已降指揮及長
短引內合販鄉源斤重秤製即不得仍前違法過數妄
有加饒後之十年二月十五日湖廣總領所言歲計錢
數內貼降江西茶長引一百三十五萬餘貫發賣不敷
虛占經常錢數乞照九年已降指揮給換江西短引五
萬貫從之十一年七月十一日詔今後應賒買客人茶
其人見有父母兄長並要同共書押文契即仰監勒牙
保均攤償還其餘買鹽貨之人亦一體施行從新權發
遣徽州石起宗請也先是起宗通判漳州嘗主管常平
茶事見家人不肖子弟多為牙保等人引誘賒就商人

買茶以資妄用致令父母破產償還之行禁約故有是
命十一月十八日戶部言湖廣總領所乞將江西路淳
熙十二年本所歲計茶引二十八萬貫盡行印給末茶
長引付逐處發賣價錢應副大軍支遣本部勘當舊例
係以長引五萬餘貫其餘並係短引緣淳熙十年分總
領所乞改降長引五萬貫共計長引一十萬九千餘貫
比之舊例已增一倍今照得江西路長引係行在務場
指準給賣之數若後所乞盡降長引愈見行在務場歲
額虧少今乞照淳熙十一年已給降體例印造江西安
撫司茶長引八萬九千九十貫九百六文短引七萬貫
江州通判廳茶長引二萬貫短引四萬貫江西提舉司

給降茶引一十五萬四千貫內六萬一千二百餘貫應
副本所支遣照年例印造給降後之十二年六月四日
詔准東總領所將未起餉引錢二十六萬八千餘貫盡
數起赴封樁庫送納日後每季依此仍仰提領封樁庫
候交收到前項錢即報行在都茶場理為合收之數既
而行在都茶場言鎮江務場收到客人就引貼納茶餉
引錢每歲不下十餘萬貫依乾道三年三月內已降指
揮令赴行在都茶場交納今照得截止淳熙十二年三
月終有未起發二十六萬八千六百四十九貫六百四
十一文乞將鎮江務場收過前項客人就引貼納餉引
錢行下鎮江府照數拘收令項樁管令本場將鎮江務

場已報到錢理充本場所收錢數庶得鎮江府就近可
以拘催免致積壓之弊故有是詔九月八日四川茶馬
王涯言本司先於淳熙六年同制置司被旨審核川路
諸處合同場茶額其有園戶困敗產去額存無所從出
並與裁減數內惟名山一場實有濫增額數比舊額計
增茶七萬六千七百二十九斤十兩原其弊端蓋緣本
司逐歲下本場預期支俵本錢收買博馬綱馬茶二百
萬斤係以所產食茶上多寡為則均給其園戶貪於時
下得錢多自虛認戶下數茶場據其所認之數附簿發
賣茶貨之際初未及元額當來推排官止馬買綱茶簿
有餘額外增添籍使謂茶額以至積欠園戶枉被督逼之苦而監官皆

聞風退闕不願赴上臣且令本場以淳熙五年為額將
園戶累年所欠之數權行倚閣乞將名山場所增茶七
萬六千七百二十九斤十兩盡行除放止依舊額收赴
從之十一月二十二日南郊赦四川茶鹽酒課折估虛
額錢累降指揮減免尚慮州縣巧作緣故催理有失寬
恤之意仰制置司總領所茶馬司常切覺察如有違戾
按劾以聞又勘會在法違欠茶鹽錢物止合估欠人并
牙保人物產折還即無監繫親戚填還及長已改嫁尚
行追理之文昨降指揮令戶部檢坐見行條法申嚴行
下如敢違戾許人戶越訴勘會官司輒主茶鹽錢虛給
帖子均科人戶勒令齎錢赴鋪繳納未嘗支給茶鹽頭

是違法科抑仰提舉司及諸州主管官嚴行禁戢仍許
人戶越訴會勘州縣應捉獲私茶合解所在稅務合同
場估價召人請買訪聞場務積壓年深以致陳損不堪
食用多是科抑鋪戶或令摘頭認數出賣拍收價錢尚
慮追擾監繫可日下盡行除放十五年九月八日明堂故同十三年
八月二十三日詔京西南路提舉司見賣鹽鈔引一萬
袋依遞年例別給降江西茶長引一十萬貫短引一十
萬八千四百三十貫起時措置發賣以湖廣總領所言
言准鹽鈔拘定京西界分不許翻改別路州軍貨賣以
致遲細妨閼支遣故有是命十四年八月十九日詔行
在都茶場紐計四貫例茶小短引一千五百道下湖北

提舉茶鹽司令本司將賣到鈔拘催赴湖廣總領所送

納橋管

後茶鹽司請也

十六年正月二十五日詔江西提舉司

茶引一十五萬四千貫分上下半年給降外所有江西

安撫司茶長引八萬九千九十貫九百文茶短引七萬

貫江州通判廳茶長引二萬貫茶短引四萬貫下文引

庫印造一併給降令起時給賣

領湖廣總領所請也

紹熙元年

五月十六日權貨務都茶場言湖南北江西路皆係巨

商興販尚且給降小引其兩浙江東等路多是草茶客

人販往鄉村零細貨賣乞添印造四貫例長短小引相

兼聽客從便請買既而戶部言近添印造兩浙江東等

州軍四貫例茶長短小引給賣務在招引小客今若依

大引見使金銀會子分數品搭筭請恐小客難以變轉
興販因而積壓欲將今來給賣小引除見使金銀會子
分數入納外如願全使一色會子筭請者聽庶幾客販
亦得通快後之二年三月十一日臣僚言京西之郿和
茶所經由處乞嚴行禁戢場務等官若有透漏放縱亦
得巡尉之罪盜鑄鐵錢而於銅錢界分輒行使者官司
不行覺察併得銅錢之罪後之二十二日詔四川茶馬
司禁戢所屬州縣并主管官如不遵守條法及與茶場
干涉處多端科配騷擾違戾去處開具姓名申取朝廷
指揮先是上書者言四川茶課走失令茶馬司措置聞
奏既而本司條具科配之弊乞降約束故也五月二十

五日詔降四貫例長短小引各一千道付湖北提舉司
出賣其客人合納籠節秤製等錢許權赴主管司一併
送納仍下提刑提舉司嚴切禁戢私販毋致縱容仍前
積壓茶引以湖北提刑兼提舉丁逢等言常德府管下
武陵龍陽兩縣接連湖南產茶去處每到春時有江西
福建湖南管下州軍客人聚在山間般販私茶乞量行
給降小引以息私販故也十一月二十二日詔諸路提
舉茶事司自今須管遵從節次已降指揮將收到茶事
窠名置之赤曆簿籍如遇收_支建立項目分明抄轉除
依法椿垛_支使外其餘剩數仰所屬差人管押赴行在
都茶場送納仍令逐路提舉司每部各具所部州縣收

到逐色應緣茶事案名錢若干作舊管新收已支見在
如有支遣仰分明開坐或本場委官驅磨若有欺隱之
數即將違戾去處具申朝廷施行本場二十七日晚
郊救都茶場昨自乾道六年以後節次給降茶引付江
西州軍出賣拘錢起赴行在訪聞州軍發賣遲細多是
賒賣與鋪戶等人經今日久往往流移貧乏見令州縣
積納竊慮騷擾仰將淳熙十三年終以前年分未納茶
引錢數特與除放不得依前追理仍仰提舉司覺察如
有為戾去處按治施行同日赦在法違欠茶鹽錢物止
合估欠人并牙保人物產折還即無監繫親戚填還及
妻已改嫁尚行追理之文昨全戶部申嚴行下許人戶

越訴訪聞人戶負客旅及店鋪價錢緣係權貨有已經
估籍家產償還不足依舊監繫牙保等牽聯不已可主
與除放毋致違戾勘會官司輒立茶鹽鋪虛給帖子均
科人戶勒令齎錢赴鋪繳納未嘗支給茶鹽顯是違法
科抑仰提舉司及諸州主管官嚴行禁戢仍許人越訴
同日赦四川茶鹽酒課折估虛額錢累降指揮減免尚
慮州縣巧作緣故催理有失寬恤之意仰制置茶馬司
總領所常切覺察如有違戾按劾以聞 紹熙五年九
月十四日明堂赦都茶場昨自乾道六年以後節次給
降茶引赴江西州軍出賣拘錢起赴行在訪聞州軍發
賣遲細多是賒賣與鋪戶等人令徃日久徃徃流移貧

乏見今州縣償納仰將紹熙元年終以前年分未納茶

引將數特與除放仍仰提舉司覺察如有違戾按治施

行

自後郊祀明堂赦亦同惟所放年分有差

同日赦州縣應提獲私案合解

所在稅務合同場自合用心措置召人請買訪聞積壓

陳損多是科仰行人鋪戶或令櫪頭認數出賣拘收價

錢追擾監繫可目下盡行除放

自後郊祀明堂赦亦同

同日赦在

法違欠茶錢止合估欠人并牙保人物產折還即無監

繫親戚填還及妻已改嫁尚行追理之文昨令戶部申

嚴行下許人越訴

自後郊祀明堂赦亦同

同日赦官司輒立茶鋪

虛給帖子均科人戶勒令齎錢赴鋪繳納未嘗支給茶

筴頭是違法科抑仰提舉司及諸州主管官嚴行禁戢

仍許人戶越訴

自後郊祀明堂赦並同

慶元元年二月六日詔石

泉軍龍安縣崇教等七鄉園戶茶課錢引九百二十七貫一百一十四文從茶馬司同成都府路轉運司并本軍三處均認與園戶代納自紹熙五年分爲始以四川總領茶馬司言川蜀共管三十四茶場應有茶田園戶除納田上二稅遇般茶赴合同場批賣本司收納土產茶牙市例錢照得本軍龍安園戶除納二稅市例錢外又催理茶課估錢係於元豐間未立額日先有此茶課每歲理一十五萬四千五百一十九斤每斤估錢六文在縣隨二稅送納至建炎年改法立額其茶園戶於紹興十八年奏行經界失於申明今來若行倚閣恐妨本

軍縣省計支用若復催理委是重疊重困國民三司乞
自抱納故有是詔六年二月十四日詔川路產茶去處
園戶合納經總制司頭子錢五十四十二道五百一十
一大一分五釐今提刑茶馬司各抱認一半所有秤提
錢三千一百四十八道二百九十文令總領所抱認並
自慶元六年分為頭對減以四川制置司總領所茶馬
司成都提刑轉運司言昨緣川蜀百物皆賤茶價亦低
園戶窮困茶司恐傷根本隨宜措置每引元額舊納土
產茶牙市例錢二貫三百文除權減八百文外以茶額
計之一歲共減土產錢十萬四千九百四十三道既是
正錢已減其數收頭子秤提錢亦當減免故有是詔嘉

泰元年五月二十五日詔民間違欠茶鹽錢照淳熙十

六年已降指揮體例放免至慶元二年終今權貨物

請上放鹽錢所有茶錢理合比類一體除放

使准東提舉高子溶

也請三年十一月十一日南郊赦應欠茶鹽錢人已死又

涉年深其家止有單妻及無妻有幼子者官司例同牙

保人監納間有妻已改嫁人者併與後夫監理委實無

所後出仰主管官勘量措置施行

自後郊祀明堂赦並同

四年六

月三十日知隆興府韓遜奏戶部茶引歲有常額發下

散賣隆興惟分寧武寧二縣產茶他縣並無茶引而豪

民武斷者乃請引管認茶租曾不知此輩意在借引引

以窮索一鄉無茶者使認茶非食利者使認食利所至

驚動必欲厭其所欲村疇受害無窮乞下省部除分寧

武寧二縣外其非產茶縣並不許人戶擅自認租他路

亦比類施行嘉定五年十月十四日中書門下省

言節次已降指揮七項共給降茶引不致慮妨接續給

賣詔太府寺交引庫限半月印造江西末茶長引并湖

南北草茶長引共品搭給降五十萬貫仰本所措置給

賣將賣到價錢同見在錢一併樁管具八月冊供申非

奉指揮不得擅行支用仍令本所開具節次科去茶引

已未變賣及增收等錢承降指揮月日支使名色夫細

帳狀限三日保明中尚書省二十四日都茶場言承降

指揮湖廣總領所申乞給降嘉定十一年分歲計茶引

內江西路茶引已降過二百四十七萬六十八貫八百五十五文其錢實係應副本所大軍支遣即非虛收數目乞將一半錢照應理充本場歲額施行都省照得湖廣總領所茶引連年止貼降二百萬貫如有另項給降之數難以一槩理充本場課額詔令行在都茶場自今止將歲計貼降茶引以一半理充歲額施行

宋會要 茶鹽雜錄

雜錄 政和三年正月四日戶部員外郎提舉荆湖南北
路茶鹽事范之才奏契勘崇寧二年八月九日敕節文
川茶除入熙河秦鳳兩路外有廊延環慶涇原永興四
路並許客人般販東南茶貨續承崇寧三年二月十二
日朝旨陝西鹽香司申諸川茶自來先到鳳翔府方始
轉般入熙河路出賣緣鳳翔府以東諸縣鎮係賣川茶
地分與見今客販東南茶地界相接恐冒法透漏入東
南茶界有害客販欲將鳳翔府以東岐山扶風麟遊盤
屋普聞好時郿驍縣添展作東南茶地分更不放令川
茶般運過鳳翔府以東奉聖旨依所乞後來陝西路並

作川茶地分緣近降茶法永興等四路並為客販南茶
地分其鳳翔府以東八縣即未有復行南茶指揮詔鳳
翔府以東岷山等八縣依舊作南茶地分餘依已降指
揮十四日詔販茶短引候園戶處買茶訖令本處官司
依大觀二年五月二十九日朝旨所定至住賣處日限
於今年新引內鑒定仍更依舊式別用日限印子候到
住賣處依已降指揮於引背批說已販到茶年月日此
引更不重疊興販若出違所給日限立便拘收元引茶
貨沒官其繳引日限等約束並依近降指揮內親身赴
茶務買短引販茶人仍除程到本州理限大觀二年五
月二十九日救重到修到短引體式并添日限印子奉

聖旨令給引官司遇客人販茶並仰依式用大字書鑿
仍約度所指住賣處遠近計程分立日限不及十程限
五日十程已上限十日二十程已上限十五日三十程
已上限二十日並通計程數於引內批鑿謂如去住處
二十程給限三十五日引之類仍於印子內亦鑿定所
立限並計行使用月日謂如二十程即限三十五日大
觀二年正月一日給至當年二月六日不在行使之限
即出限更不許行使其程數不以水陸路以五十里為
一程罪賞約束並依元降指揮同日兩浙路提舉鹽茶
司奏今相度客人所買長短引願於所指買茶路分別
州縣分買者欲許經州縣陳狀於引上批鑿某月日據

某人陳乞飭改往某縣買茶當職官簽書用印施行並
關都茶務及所改并指州縣照會仍不得過一次從之
十八日尚書省勘會除販短茶引已降指揮許大商帶
買前去產茶路分轉賣與本路小客仍別給公憑詔長
引如大商願帶買轉賣者亦許依短引法施行其所給
公憑仍限半年繳納同日尚書省奏勘會客人鋪戶舊
茶既與客販新法相妨理合拘收沒納昨來朝覲寬恤
特立限至去年終新買新引出賣令已限滿若便行拘
收又恐遠路客旅鋪戶有趕趁元限不及之人兼近據
鄂州乞給降茶前去以此即是外路未至通曉法意詔
特展限一季許客人鋪戶買新引出賣舊茶法應約束事

件依近降指揮如限滿尚不買引出賣不盡並仰所在
州軍拘納入官各具數申尚書省二十八日提舉陝西
路茶事郭思狀體問得近有客人盡將錢本自來至闕
下於客人鋪戶處轉販四方物貨前來本路貨賣契勘
中都^聚集四方商旅萬億物貨其新茶若許四方客人赴
都茶務依新法錢數買引只於闕下客人鋪戶處依園
戶批數法許將全籠節或罐袋轉販前來即茶法愈通
商販愈快於中都事愈甚便緣新法未有許似此指揮
伏望更賜詳酌降下又契勘若四方諸處客旅許買引
於闕下轉販即闕下鋪戶肯多停蓄及客人滯留者亦
易於發泄委是通商為便又契勘闕下茶貨是客人買

引及販買引是一條什茶得兩重賣引錢又係南客北人情願兼於法有利詔至從之餘路依此二月七日詔客人新引所販茶未到所指地願改指別處者聽內遠指近賣者仍認元遠指稅錢如長引茶已到地頭限未滿願批往別路者亦聽從便已上仍令所在州縣批鑿茶引及關報都茶場務及元指去處照會其繳引日限等約束並依元降指揮施行十九日尚書省劄子提舉福建路茶事司狀一體訪得本路產茶州軍諸寺觀園圃甚有種植茶株去處造品色等第臘茶自來拘籍多是供贍僧道外有妄作遠鄉饋送人事為名冒法販賣官司未有關防伏望立法行下以憑遵守詔諸寺觀每歲摘

桶示桶

造到草臘茶如五百斤以下聽便契用即不得販賣如

違依私茶法若五百斤以上並依園戶法二十五日詔

諸州縣市易稅務緣昨來茶事所置專官秤庫桶子

名額並罷內手分食錢等許依舊支破所有應緣茶事

合支官吏請給食錢並於產鹽倉場收到籬苑市例錢

內應副餘依所乞諸路依此其不係產鹽路分即依常

平頭子錢充三月十五日詔諸路應茶客合經過州縣

稅務欄頭批引封籠節及行運茶事手分貼司並行重

法仍仰逐路監司嚴督州縣常切覺察其失覺察官重

行停降二十五日鹽都鹽務呂仲隨等劄子檢會崇寧

三年二月內講議司修立到福建路茶法內一項諸園

相
作
行
修
石
條

卷五十七百六十五

戶五家為保內有私相交易者互相覺察告賞如法即
知而不告論如五保不糾律加一等契勘新修茶法並
許客人請引徑赴園戶處私下新便與販即不得與無
引交易看詳上條內有文意與新法相妨去處若不修
正竊慮園戶別致疑惑今相度欲乞於上條內刪去內
有二字却添入若與無引人五字如允所請亦乞依此
施行從之七月十日尚書有言勘會販茶短引每道
價錢二十貫竊慮尚有本小商旅不能興販之人詔令
太府寺更印給一等十貫短引許販茶一百五十斤餘
依前後已降指揮三十日監都茶務魏伯才等奏近降
朝旨客人販茶貨據計定斤重新引出賣外餘剩茶貨

赴
存
赴

但及一千五百斤更合買新引一道若有不及一引茶
數亦合更買新引一道據數批鑒不盡斤重令貼販新
茶或只願販新帶賣者亦聽從便外或有只願販新茶
帶賣一節累據客人將到文引見得有剩茶不及一引
多稱只願帶賣不肯別請文引竊恐上件茶貨存留多
日難以關防別致隱匿作弊今欲乞於已得指揮內除
去或只願販新茶帶賣者亦聽從便一節從之八月四
日詔客人買到茶貨往稅務封記赴引其商稅務如茶
到限日依條封記放行如敢阻節住滯當行人吏杖一
百勒停十七日尚書省言勘會鋪戶變磨到末茶昨降
指揮許諸色人買引與販長引納錢五十貫文販茶一

千五百斤三十貫文販茶九百斤短引納錢二十貫文販
茶六百斤緣近降指揮販草茶更印給一等十貫文短
引其末茶未有十貫短引興販指揮詔販末茶更印給
十貫文短引許興販三百斤約束等並依前後已降指
揮二十日中書省言勘會諸路朝廷所管茶鹽錢萬數
不少並係專一措置收椿以歸朝廷移用竊慮諸官司
却與諸色窠名封椿錢一例文使有妨朝廷指擬詔諸
路茶鹽錢除有專條及朝廷臨時指揮指定許文外並
不得與諸色窠名封椿錢一例文使如違依擅文封椿
法二十九日提舉江南東西路鹽香茶事司奏點檢得
江東轉運司文使使過封椿茶息錢一十五萬貫本司

二十次牒轉運司撥還並不報應詔李西美孫漸送吏部與監當差遣人吏杖一百勒停餘依本司申仍限一年撥還九月十九日中書省言增修溫到下條諸茶法州縣及當職官奉行稽慢違戾或有阻撓抑者各徒二年並不以去官赦降原減從之十二月三日武功大夫監都茶務魏伯才等奏乞應鋪戶買到客人限定斤重成籠節茶並依客例令逐處所差官專一秤製如無剩數許先次出賣外若有剩數並行籍記許請買引出賣每納錢一百貫文許賣茶一千五百斤不及據數紐算給引如敢輒將成籠節茶旋行開折許人告罪賞並依客人避免秤製已得指揮從之六日中書省言檢會崇寧四

年八月十七日朝旨應在任官親戚及非在任官僧道
役術人軍人本州縣公人及犯罪應贖人不得請引販
茶如違其應贖人杖一百餘人徒三年犯罪應贖人送
隣州編管許人告賞錢五十貫勘會見行茶法係令客
人等赴都茶務買引與國戶任便交易販茶限定大小
斤重官置籠節即與以前事體不同詔崇寧四年指揮
內見任官公人合依舊不許買引與販外餘更不施行
四年四月九日尚書省言舊水磨茶場一歲收息不及
一百萬貫一年內有每季泛進錢今來茶務歲收錢約
四百萬貫以上比舊已及三倍以上不係省錢別無支
用尚循舊例只每季泛進未有月進之數欲每月進五

合石倉

萬貫詔從之仍自今月為始十月七日淮南路提舉鹽
香茶礬事司狀承都省批下白劄子勘會已降朝旨諸
路應茶客合經過州縣稅務欄頭及行遣事手分貼司
即未有定立重祿請給則例本司今依應將州縣鎮稅
務應係茶客經過去處欲乞每月各輪差欄頭二名當
務專管驗封引收稅量事務繁簡分三等重祿錢州軍
在城稅務每月欄頭二名今立為上等各支錢五貫文
縣稅務每月欄頭二名今立為中等各支四貫文鎮稅
務每月欄頭二名今立為下等各支錢三貫文其本月
不當驗封引收稅之人如於茶事有犯已有指揮並合
依重祿法施行兼契勘州縣行茶事人吏重祿食錢係

以常平頭子錢充所有今來欄頭重祿亦望許於常
平頭子錢內應副詔諸州縣鎮稅務各一名行重祿管
勾驗封等事州每月支錢八貫縣七貫鎮五貫文餘依
淮南鹽事司所申餘路依此五年五月二十五日尚書
省言今重修立到下項賞格命官親獲私有茶鹽獲一
火三百斤臘茶一斤比單茶二斤餘依此陞半年名次八百觔免試
一千二百斤減磨勘一年二十斤減磨勘一年半三十
斤減磨勘二年四十斤減磨勘二年半五十斤減磨勘
三年七十斤減磨勘三年半一萬斤轉一官三萬斤取
旨累及一十斤陞半年名次一十五百斤免試二十斤
陞一年名次四千斤減磨勘一年五千斤減磨勘一年

半七千斤減磨勘二年八千斤減磨勘二年半一萬斤
減磨勘三年二萬斤減磨勘三年半三萬勛轉一官十
萬斤取旨罰格巡捕官透漏私有茶鹽一百斤罰俸一
月一百五十斤罰俸一月半二百斤罰俸兩月二百五
十斤罰俸兩月半三百斤罰俸三月一千五百斤罰俸
五月仍差替二千五百斤展磨勘一年仍差替三千五
百斤展磨勘二年仍差替四千五百斤展磨勘三年仍
差替五千斤降一官仍差替三萬斤取旨從之十二月
二日詔將仕郎池州貴池縣尉徐海運特與循三資其經
闕敵弓級保正等共支錢一十五百貫均給內殺死人
賜絹三十匹米十碩以淮南提舉鹽香茶礬司奏本縣

有程益等公然興販私茶殺傷捕人韓十等三人海運
躬親追獲益等九人兼海運任內獲私茶七十餘斤顯
是究心委有勞効故有是命六年閏正月二十六日刑
部今擬修下條諸巡捕使臣透漏私有鹽礬茶者百斤
罰俸一月每五十斤加一等至三月止兩犯已上通計
及一千五百斤者仍差替斤私乳香一其巡捕官三斤
比一斤即令佐透漏私煎煉白礬鹽同減兼巡捕官罪
一等從之二月二十五日詔產茶縣分不係就縣批發
去處政和四年分招誘客人鋪戶引買茶赴合同場
批發比政和三年增虧其知縣聽依合同場監官已降
指揮減半賞兩浙路提舉鹽香茶礬事司言產茶

縣分就縣批發客茶去處知州依合同場鹽官賞罰外
其不合就縣批發客茶去處知縣乞量立賞罰故有是
詔八年三月二十二日監都茶務魏伯才奏訪聞得多
有不顧條法浮浪之輩專於私販纔至敗獲禁勘便妄
攀園戶離報私恨或創造事端故作私茶却令徒中人
告牒赴官規圖賞錢或雖有官引却不畫時書寫所買
之家斤重姓名稱一面自覓人書填既得茶入手更不
書填所買茶斤重園戶姓名又將其引就他園戶再買
茶往來影帶重疊私販洎至敗獲便虛指園戶姓名其
承勘官司畧不予細詳察本業利於追人不以遠近便
行勾追園戶無處伸訴本司已行下兩路諸州今後承

勘犯茶公事仰依公子細根勘如通出國戶姓名委是
詣實係屬別州縣即取責買茶日時交付錢茶將奏或
牙人等處逐一點證實情關報所屬就近依公子細勘
問的實如不曾賣茶與無引之人即取責當時照證詣
實結罪文狀回報本處照會施行無容更似日前縱令
人吏信憑犯茶人讎報私恨虛攀國戶係都茶務相度欲
產茶路分捕獲私茶如元買國戶係在一州依元法勾
追國戶勘鞠若係別州依今來荆湖北路茶事司所申
仍委自茶事司每季取索斷過私茶公案逐一點檢若
稍涉不當具事因按劾若本司情順情亦許監司互按詔
並從之宣和二年七月二十七日詔茶鹽法令備具無

可增損除鹽法近已降處分外訪問茶法緣省部不得干預州縣觀望奉行違慢及沮抑客販或不為理索欠負陳訴不絕可自今除在京都茶場見在錢_物及收支等事不許省部干預外應見行茶法三省專切推行諸路州縣奉行違慢及沮抑客販或不理索欠負等事並仰尚書省具事因取旨重行黜責茶事司各路或不能按治州縣令提點刑獄及廉訪使者互察以聞仍並許民戶越訴其漏徭茶法者除依見行條法補官給賞外更增立賞錢二十貫許諸色人告犯人除本罪外仍以違御筆論令開封府及都茶場出榜曉諭十月七日訪聞陝西河東路近因推行錢法平定物價輒將買賣茶

鹽錢一例紐定便分數有害客販可應陝西河東路買賣
茶鹽並聽從便其價直許隨逐處市色增減官司不得
輒有抑勒立為定價虧損客人如違並依扇搖茶鹽法
罪施行仰尚書省劄下陝西河東路監司及令戶部遍
牒兩路州縣遵守違例去處許客人徑詣尚書省越訴
三年二月二十一日詔已降處分兩浙江東路茶鹽權
免比較不得輒行抑配二十三日詔訪聞諸路州縣姦猾
之人賒買客人茶鹽並不依約歸還致客人經官理索
旋置草簿虛寫人戶姓名大錢數目在鋪全家走閃官
吏啟倖憑據虛寫文簿勾追監理搔擾良民失陷客人
錢本有害茶鹽大法可令逐路提舉官嚴切覺察今後

有犯並具案申尚書省商議重行編配三月二十九日

都茶場狀政和三年二月六日朝旨應興販雜草木用

作頭貨并收買拌和真茶計所拌和數並乞依私茶罪

賞法近見在京并京畿等路州路鋪戶自買客草茶入

鋪旋入黃米棗豆炒麵雜物拌和真茶變磨出賣苟求

厚利不唯阻害客販實有侵奪買引課額欲乞立法禁

止許磨工知情人陳告詔依政和三年二月六日指揮

施行仍許磨工知情人告聞五月八日提舉河北東路

鹽香礬茶鹽事司奏相度客人販茶若遭風水滄浸乞

開拆籠節烘焙者即令所至委驗封驗引官開拆候烘

焙訖秤見斤重別行封記批鑒元引照驗貨賣餘路依

此從之十五日中書省尚書省言潭州申准重和元年十二月十九日御筆今後買賣私茶牙人鋪戶私販人罪輕杖一百編管隣州失覺察地分人杖八十公人吏人並勒得永不收敘故縱與犯人同罪並不以赦降原減看詳保正長失覺察保內興販私茶依條則有巡捕公人吏人合斷罪勒得永不收叙外其保正長因緣僥倖避^七晚^四差使慮合止從地分人斷放有此疑惑詔申明行下詔在京及諸路州軍縣鎮客人已販草臘茶合同場大批茶數并不曾封記籠節及無麝面并曾指改茶引者特免根治目今降指揮到日與限半月許令自陳在京於都茶場在外於所至州縣投狀委官秤盤重別

冒在無

至不止

用靨面封記仍未得出賣聽於都茶場別買新引每一
百貫對帶已販茶一百貫經所至官司批鑒帶^對訖其新
引聽往山場別販新茶如不經官自陳而輒賣或私下
旋行粘繫封頭靨面罪賞並依私茶法仍許諸色人或
同犬下勾當人首告給賞如法繼而都茶場劄子准上
件朝旨本場除已施行^外勘會客人已販茶如在外路
若令一一赴場請買文引對帶出賣深恐往回妨阻客
販今相度如客人願就茶所到處須用今降指揮日後
所買文引對帶出賣雖姓名不同亦聽行使仍令所在
官司並於引後批鑒若輒用今降指揮日前所給文引
對帶若告首罪賞並依今年七月四日旋粘封頭靨面

朝旨施行如官_司施批鑿違戾令茶事司覺察按劾餘依
見引條法從之十五日提舉荆湖南北路鹽香茶礬事
司狀訪聞產茶州縣在城鋪戶居民多在城外置買些
地土種植茶株自造茶貨更無引目收私茶相兼轉般
入城與裏外鋪戶私相交易或自開張鋪席影帶出賣
洎至官司收捉即稱係園戶自要供家食用緣此無由
覺察失朝廷歲課不少從來未有法禁本司今相度欲
今後城外園戶如在城外本處採摘食用共與有引客
人交易聽_從便其使其城內鋪戶或居民於城外有茶園
將採造到茶般入城並乞依客販法_本買_引親自批鑿斤
重隨茶入城依法從便供家食用或轉販與鋪戶交易

若國內所產茶少不及一引之數許令經官批鑒貼販
施行如不用引並乞依私茶法庶絕影帶盜販之弊批
送都茶場勘當本場今勘當欲依本司所乞施行餘路
依此從之八月二十五日詔今後應茶場事務並依舊
三省措置推行仍應奉司專行九月十七日詔應所在
官司見拘管客人無儒面封頭等茶除將引外剩數聽
買引出賣外其餘正數并無剩茶並特買引對帶令隨
處官司放封頭儒面即時放行十月四日大理寺參詳
園戶輒賣茶與無引人及雖有引人而過數及買之者
既杖罪不以赦降原減其徒以上罪舉輕明重自合依
降原減所有諸條內該載依私茶法本條既無不赦之

又即合從本條定斷其買賣私茶牙人鋪戶私販之罪
輕並合依御筆斷遣不以赦原等從之五都茶場狀
准尚書省批送下提舉荆湖南北路鹽香茶礬事司狀
承御筆每長引一百貫許販茶一千五百斤短引每一
十貫許販茶一百斤今來朝廷復增斤重大貶寬恤自
是客販得行本司今訪聞尚有不顧刑法之人豫將錢
物計會官中造籠作頭寬大織造收買前去剝帶斤重
其籠節雖有委官監造及差官隔手製撲之法所委官
多是並不親臨若津置茶籠到合同場亦是用財計會
專秤於乘發茶擁併之際並不依法逐籠秤製只是揀
點斤重輕小之籠影庇其餘之數遂便放行雖有聖旨

斷罪及經過場務許檢察之法自至中路事發客人多是攀援政和六年十月三日勅旨內備到大觀二年十月十五日勅旨更不許人告論官司亦不得受理本司今相度欲乞合同場合干人受財秤盤不如法自令從重祿法斷遣外其監官失檢察若三斤以上如知情故縱及造籠作匠乞覓錢物大織籠節并監造官製撲官並不親臨致得寬大剩帶茶貨乞嚴立法禁後批送都茶場勘當本場檢准宣和二年十月朝旨客人魏翔等狀今來諸路合同場並行重祿其間有倚法為姦之人計會合同場大帶斤重奉聖旨如獲魏翔等所陳違犯之人未得斷遣具案申尚書省本場堪會客人若計會

官
歷
驗

卷之七十五

合同場大帶斤重其監官知情或不覺察欲并令隨事
取勘具案聞奏量重輕取旨從之十一月四日戶部奏
兩浙江東產茶浩瀚近緣方賊驚覺園戶踐踏茶園阻
隔道路所收錢引大段虧欠今已平蕩賊徒理當措置
優恤園戶今相度欲委自逐路提舉茶事官專一措置
多方招集園戶復令歸業如委因賊徒驚劫貧乏園戶
即以本司應管茶事官隨園戶出茶多寡分立等第依
常平法借貸一次如無或不足聽於常平司朝廷封樁
錢內借支作三料帶納從之四年六月二十五日都茶
場狀准尚書省批送下淮南提舉鹽香茶礬事司狀檢
准勅應代支私鹽賞錢並責透漏地分人與犯人均備

候私鹽屏息鹽課增羨日依舊本司今相度乞應代支
私茶賞錢並依上件鹽賞已得指揮施行本場今當
欲依淮南茶事司所申事理施行詔依都茶場所申十
二月八日尚書省擬修下條諸渠合州長寧瀘川軍所
產茶輒出本州界及夔州路茶入潼川府通販川茶地
分者並依私茶法當職官故縱若透漏聽推茶司按劾
右入潼川府夔州路并推茶司勅詔依六年閏三月三
是提舉兩浙路鹽香茶礬事李弼孺奏契勘鹽茶課利
正係儉今日財用大計其取會事務並係緊切照應準備
朝廷取索文字訪聞諸州縣自來報應稽緩如被毀朝
旨取會並乞限當日回報除依舊三經舉催不與完備

回報亦乞立定斷罪刑名詔依戶部所申如違從杖一百科報罪五月十一日尚書省言提舉荆湖南路鹽香茶礬事閻孝忠乞應客人買到茶並令於最近處縣或合同場秤製不得隔驀却就遠處若所去縣或合同場雖有近處却不通水路其次遠處却可通水路委於客人順便即自合於通水或順便去處秤製從之九月一日詔都茶場隸屬應奉司外其專一按治諸路違戾可疾速行下諸路提舉茶事官仰躬親巡歷嚴切戒飭州縣遵奉成法禁戢私茶杜絕姦弊應商賈陳訴及理索欠負等事並依條盡理施行不得少有抑遏違戾州縣具名按勘當議重行黜責都茶場常切覺察以聞仍檢會

法事

等
作者

宣和二年七月二十七日指揮申嚴行下及令都茶場
出榜曉諭九月尚書省言總轄都茶場所狀都茶場創
于兩浙茶事司公文稱無圖之法希求賞錢結合浮浪
人作牙湊合興販短引一兩道於鄉村巡門依賣收藏
文引不令買人批鑿經官告首每引動經一二百戶官
司更不推究賣人匿引情契務在勾人搔擾將買茶人
斷罰追賞等令相度欲今後應州縣勘斷犯茶公事
具元犯事因斷遣刑名報提舉茶事司看詳及具一般
事狀報都茶場詳審如涉違戾不當及不行申報其元
斷當臧官吏許本場具因依申朝廷乞重賜施行詔令
申尚書省十一月十九日詔茶法之成推行日久前後

申明條約已得詳盡有司務在遵守竊慮姦人妄生事端以惑衆聽仰推貨務分明出榜曉諭客販知委如有妄說事端之人許諸色人陳告當議重行處斷外賞錢五十貫文以犯人人家財充不足以官錢支二十七日中書省言都茶場狀勘會客販茶經過州縣鎮稅務依政和四年十月七日朝旨各輪差欄頭一名管幹批引驗封收稅等事支破重祿食錢州八貫縣七貫鎮五貫文昨緣行舊法免稅不入稅務其州縣差欄頭食錢更不支破止差重祿人吏一名相兼主管日支食錢二百文近准宣和三年八月二十七日朝旨既已依舊納稅其批引改指等自合稅務主管所有州縣鎮輪差欄頭重祿

食錢緣未經申明伏乞詳酌指揮施行詔依政和四年十月廿七日指揮施行七年正月二十二日中書省尚書省言都茶場狀提舉江南西路鹽香茶礬事司狀竊詳政和八年七月十二日指揮內短引茶如違限不到合同場更不行用其茶依私茶法未審止為將茶依私茶焚毀唯復亦合以茶數依私茶法斷罪理賞或元限已滿不曾買到茶貨亦未審合如何施行若不申明切慮奉行抵牾都茶場勘會客販短引茶依法自請罰罷即日立限赴合同場秤盤如出違所給日限其引更不行用茶依私茶法元降指揮即無斷罪之文止合沒納入官緣係有引正茶合估價召人請引興販即不合焚

便
便

卷五十七頁八十五

毀若元立日限已滿不曾買到茶貨其引更不在行使
之限所屬官司合勾收元引毀抹入官今勘當欲申明
行下詔茶依私茶焚毀餘依都茶場勘當到事理施行
三十日尚書省言江南東路提舉鹽香茶礬事司狀乞
今後應客鋪於園戶處買到茶其園戶故不批引及客
鋪藏匿文引不令園戶批鑿乞指揮施行詔客販茶至
住賣處買人不驗引收買及客人藏匿文引依已降指
揮斷罪理賞施行三月十一日詔茶法舊無立額比較
收稅法其比較當罰及納稅指揮並罷餘悉依舊四月
一日中書省尚書省言都茶場狀勘會客茶籠節昨承
宣和元年三月十五日朝旨於籠節屬面蓋底用紙題

寫合同場年月日客人姓名去處某色斤重字號料數
詔依宣和元年三月十五日指揮施行八月十日尚書
省言總轄都茶場所奏訪聞客販長引茶有已經收買
籠節及一年尚未買茶官司亦不體究因依又再行展
限丰年不赴合同場秤製顯見往復影帶私販虧損引
錢不少欲乞本場將齋到書引拘收毀抹更不改驗新
引今後依短引法將原長引請買籠節目立限一季須管赴合
同場秤發仍計往回程外如違限不到應干約束並依
短引法施行從之同日尚書省言都茶場狀勘會鋪磨
戶以他物秤和真茶依法計茶數合從私茶法加一等
料罪訪聞近來在處結集羣黨不往官司私陳告直入鋪

戶磨戶之家以收捉為名搔擾乞覓或自帶雜物賊誣
捉送官司上下通同利於乞受追賞不容辨說便作私
茶斷罪致使鋪戶畏懼停閉不敢收買客茶有害茶法欲
自今如鋪戶磨戶若以他物拌和聽諸色人指定實跡
依法經官陳告不得擅行收捕亦不得稱疑官司審量
遣人收捕據根勘詣實依條施行如所勘別無拌和情犯
其告人擬所告之罪依條反坐乞今所屬於要關處出
榜曉示從之同日尚書省言都茶場狀勘會客販茶依
法已經合同場秤發沿路不許人論告剽茶官司亦不
得受理若元起發處有秤勢高下些小附搭斤重又許
至住賣處未堆垛前限二日經官自首免罪買引出賣

告存首

本不命

訪聞豪猾商賈計會合同場大裝斤重或自籠節增添
高大所帶剩茶過多欲自今客販茶如經合同場秤發
後若過州縣許自首剩茶如不曾陳首許諸色人陳告
官司限一日秤盤並依法施行餘依見行條法其元秤
發官司欲乞今後如客人陳告剩茶并因人陳告依元
法各遞加一等科罪並從之十一月十五日詔令諸路
提舉茶事司疾速開具州縣自今年正月後來至九月
終批發住賣茶數比前一年有無增虧申都茶場類具
聞奏同日詔諸路茶事各有提舉官屬并州縣當職官
吏等專一任責除私販憲司自合依條覺察禁戢外其
茶事目今應監司使命等非本職並不許越職干預并

研
所
所

勾呼借差主管茶事公吏等如違並以違例論二十二
日詔權發遣福建路轉運副使趙所轉運判官唐績措
置造茶有方並時令再任十二月二十一日罷都茶場
依舊歸朝廷以上續編高宗建炎元年五月十八日發運使梁
楊祖言茶鹽舊係太府寺都茶榷貨務印造鈔引給賣
以贍中都比金人退師道路未通詢訪真州係兩淮浙
江外諸路商賈輻湊去處除東北鹽乞令依舊就於榷
貨物給賣外其東南茶鹽乞選委通曉財利官提領依
太府寺等處印造於真州置司給賣詔梁楊祖差兼提
領茶鹽事二部員外郎楊淵同提領既而提領司條畫
下項一契勘昨來兵馬大元帥府印賣東南北鹽鈔引

已承朝廷指揮住印外其茶事司印青茶引亦合住罷
未便更引不出賣併已買未販及已販未賣並合與今
來茶引一系通行一茶鹽錢欲乞更賜約束除朝廷指
定策名支用外其餘雖承受諸處備坐到前後泛言不
以有無拘礙剗刷取撥錢物指揮並不許支撥如諸處
取索文字亦不得回報若有違戾許本司按劾從之二
十七日尚書省言提領措置茶鹽事梁楊祖申請乞以
提領措置茶鹽司為名緣在京榷貨務見行出賣東南
鹽鈔并都茶場見賣東南茶引即非盡行提領詔以提
領措置真州茶鹽司為名真州務六月十六日詔真
州鈔引止用見錢入納自今年七月十五日為始十月

二十一日都省言諸州縣有椿下私茶鹽礬膏錢一州一縣各椿一十二百貫文且以江東路十州軍四十八縣計六萬九千餘貫望降睿旨令東南諸路州縣每州依舊椿二百貫外各將餘錢一千貫計綱起發赴行在交納應接支遣却令州縣別行收簇椿管上件膏錢從之二年二月三日詔真州榷貨務與行在印膏鈔引併為一司以行在榷貨務為名各依舊隨置局梁楊祖楊淵依舊提領以黃潛善言車駕駐蹕揚州去真州只五十餘里水路通故也四月二十三日中書侍郎魚專一提領措置戶部財用張慙言內外官司各有拘收到茶鹽萬數貯積日久枉有銷耗欲望令尚書省取見在實

數付行在榷貨務都茶場許客人買鈔引以本場至本
處地理遠近量搭入腳錢定立鈔價其鈔引別立字號
式樣分明開說各客人入納見錢承買就所在請領與
販從之十二月十二日詔行在都茶場據福建路額合
賣茶引從所屬官司印造前期差官押赴本路令茶事
司招誘客人入錢請買更不得抑配州縣自今州縣有
敢以招誘為名科率民戶僧寺出買錢引者茶事官先坐
之以臣寮言祖宗以來福建路茶商興販自便近歲始
令往東京買引往返幾萬里茶司遂配抑州縣致有科
擾故也三年二月十六日德音近緣巡幸已降指揮分
立一司就江寧府召人等請茶鹽可令逐路提舉茶鹽

官廣行招誘五月十五日戶部侍郎葉份言產茶州軍專置合同場共一十八處例各設關虛費廩祿欲乞並罷州委職官一員縣委知令兼管從之舊法諸路產茶州軍各置合同場以每歲產茶及四十萬斤以上差文武官各一員自減罷後紹興五年提舉江西茶鹽趙不已乞於洪州江州興國軍三處各專差合同場監官一員提舉荆湖南路茶鹽司乞將潭州合同場專置監官紹興十八年福建茶事司乞將建州合同場專置監官皆從之八月十八日行在都茶場言欲依在京例如客人願將權貨務關子并請茶引者聽仍送權貨務勘會毀抹令本務將上件筭關子錢椿作本場茶引錢從之九月十日

詔國家養兵全在茶鹽以助經費近來州軍把隘官兵以搜檢姦細為名非理搔擾致客人畏避有妨指運舟船變賣物貨令所在通知多方禁止犯者具姓名申尚書省並依軍法施行後又詔將校隊長之類知情容縱與犯人同罪失覺察者減一等統領官令提舉茶鹽司具名以聞四年四月十九日行在提領措置茶鹽司言逐路州軍合同場如經燒劫號簿不存客人無憑勘合乞令合同場保明給據付客人齎至行在都茶場看驗元引出給合同遞牒前去秤製放行從之七月二十五日行在提領措置茶司言客弄茶鹽鈔引依法合用號簿以軍姦偽近緣道路梗澁恐致號簿不到留滯客人

賣茶賞

民戶

支請權用摺角實封遞牒令客人自齋前去今來道路
已通欲並依舊差使臣管押合同號簿赴茶鹽倉場照
驗支發二十六日都茶場言知池州李彥卿申販茶長
短引法並限九年流轉至買籠節日為始長引限一年
短引限半年繳到長引許隔路知引通商一路州軍流
轉立限稍寬又無久留影販之弊實為良法近降指揮
給賣食茶小引不得出茶州縣界以都茶場給引日通
賣茶理限一季更無流轉之法亦無除程明文加之軍
興道路艱阻竊慮客販為見限窄等請不廣有誤朝廷
經費今檢准政和七年九月十五日朝旨節文產茶州
縣人民食茶許納錢買小引販客自算請日限一季有

故展一月緣都下至產茶州軍程途寫遠請販之人以
引限逼窄少肯筭請前去有旨依元限與加倍欲乞今
後請筭產茶州軍食茶小引除見置場給賣路分依舊
理限外有其餘諸路行使引限並乞依上件政和七年
九月十五日指揮施行從之十月二十四日尚書省言
勘會津渡堰閘客販鹽船如敢非理阻節亂行拘截係
依軍法若不論情犯輕重盡用上件斷罪竊慮未得通
中州縣以其刑名太重不肯用心檢察却致滋長姦弊
詔前件軍法指揮更不施行今後如有上件違犯之人
並從徒三年斷罪紹興元年二月十七日戶部侍郎兼
提領樞密務都茶場孟庾言據提轄任點申建炎三年

九月內承朝旨別印造一等食茶小引每引五貫文許
販茶六十斤不得出本州界貨賣竊詳茶司通行去處並係
產茶路分依法自有短引興販其食茶小引不唯比短
引增添斤重暗虧引錢兼既不出州界即無經歷官司
檢察往來影販之弊實害茶法欲乞今後住罷食茶小
引其已賣過引令提舉司指揮州縣嚴切檢舉依限繳
納入官毀抹又任點言客販茶依法至住賣處經所在
州縣驗引訖官為批鑒方許出賣候賣盡其引隨處繳
納毀抹近來賣盡者多是不將文引赴官繳納官司苟
簡更不拘收致影帶私茶為害不細今乞客人日後販
茶至住賣處州縣檢引批鑒訖仍置籍批上客名文引

料例字號茶數候賣盡繳引到官限一日銷籍若驗引
訖不抄籍及繳引不依限勾銷並依繳引違限條科罪
庶以闕防革去私販之弊從之三月十二日任點言乞
今後所販長引茶權依短引法權貨務契勘長引茶許
往路分即日道路梗阻欲乞自今後權行住罷給膏長
引其已弄長引茶即乞依已申請權依短引法經過縣
分驗引檢察以候長引路分通快日依舊從之四月九
日任點言勘會客販茶經過去處依法長引經州短引
經縣檢察別無私販許放行不得過一日訪聞州縣並
不予細檢察致客販之人夾帶私茶走失課入益緣未
有約束斷罪推賞之文欲乞今後客茶經過州縣檢察

如有透漏夾帶私茶去處其當職官並計數依捕盜官
違漏法科罪如能檢察出私茶即依命官親獲私茶格
推賞從之五月十二日孟庾言福州申本路都大巡茶
使臣二員舊來建安縣界置司昨因建州兵火殘破移
往福州置司今來建州收復日久自合依舊兼於產茶
州軍近便可以巡察私茶從之十七日孟庾言茶客買
到文引在法令先於合同場勘會請買籠節就往山場
園戶處買茶裝盛入城赴合同場秤製封印批發今冒
法規利之徒買到茶入城多不往合同場秤製便徑赴
茶磨戶牙人之家賤價貨賣再執文引出城買茶往來
影販從來關防未盡欲乞今後令州縣出給印歷青付

監門官吏遇客人買到茶入城即驗引批上即時具客
名料例字號茶籠節斤重數目關報合同場照會秤發
及令主管茶事官每十日一次參照檢察所貴關防周
盡杜絕私販之弊從之二十八日行在都茶場言看詳
客人用引買茶入城徑赴磨戶牙人之家賤價偷賣即
係輒於沿路私擅出賣依政和四年四月二十二日朝
旨斷罪告賞並合依私茶法如客茶入城門攔兵級等
奇關報合同場照會秤發欲依合同場秤發引茶等不
關報合同場違限條科罪若容縱私茶入場城受俸故不
關報合同場即乞依當職官并巡捕官所管諸軍公人
將捉到私茶減剋不送官教條施行從之六月十七日

詔今後官司申陳闕乏更不給降茶鹽鈔引令權貨物
常切遵守成法施行二十九日行在都茶場言乞今後
客茶合同場批發前去指定州縣住賣在路實有艱阻
日下經所到官司陳乞批上文引候路通日依元程限
可以到所指去處即批發前去若計程已違所給日限
客人只於所到州縣住賣繳引者令州縣委官照引逐
一點檢如委無虛偽及夾帶私茶即權比附依政和五
年六月二十六日指揮施行仍報主管茶事官檢察並
候路通日依舊已~~如~~上如不曾依限陳乞批發致出違日
限自依本法從之十月二十一日知樞密院事宣撫處
置使張浚言朝奉大夫直祕閣專一總領四川~~賦~~趙

開自建炎三年內推行祖宗賣引法指置出賣茶引至
四年終收到息錢一百七十餘萬貫計置買馬膏有勞
効理宜旌賞臣除已恭依所得便益宜處置處分將趙
開特轉一官外欲望與開優陞職名詔趙開與除直顯
謨閣十一月二十六日戶部檢會提舉兩浙西路茶鹽
公事梁汝嘉言州縣捕獲私茶依法勘證並行當官焚
毀誠為可惜竊見有引沒官茶許客人納茶價出給文
憑前去都茶場請買不住山場交引興販今相度今後
捉獲私茶乞並依沒官茶法詔依諸路準此十二月十
九日提舉江南東路茶鹽公事陳鑄言契勘客人般販
茶鹽往所在州縣住賣依法賣訖鹽袋限五日籠卸限

閩
不
開

管
不
官

十日繳納入官州城委自都監縣鎮委自尉司置簿拘
收稅務逐時據客人住賣茶鹽當日具合拘收籠帶數
目關送其縣尉多是不在本縣及至客鋪送納往往都
無交納去處留滯在外引惹姦弊今相度除州城并倚
郭縣依舊令都監管當所有外縣鎮縣委知縣鎮委鎮
官置籍拘收監視燒毀餘依見行條法從之二年正月
二十七日提舉兩浙西路鹽茶梁汝嘉言勘會客人般
販茶貨至住賣處各有所給程限近緣浙西州縣運河
水淺軍馬客販舟船壅塞重船難於行運委是有妨興
販今相度應客人請買茶貨如願經由海道般販者欲
乞依鹽事已得指揮權許聽從客便仍令稱製批發官

司於引背分明批鑿出入海口官司檢察驗引批鑿放行河水快便日依舊從之五月七日提舉兩浙西路茶鹽公事夏之文言巡捕官帶魚巡捉私茶鹽如有透漏罰格太輕如一任內別無透漏亦無推賞是致得以弛慢契勘昨來透漏私鹽已降指揮依正巡捕官斷罪如任滿別無透漏依元豐鹽賞格與減一年磨勘緣茶鹽法事理一同詔巡捕私茶賞罰並依紹興二年五月一日鹽事已降指揮施行三年正月十五日刑部言提舉兩浙西路茶鹽夏之文奏檢會紹興元年十二月三日都省劄子勘會國家養兵之費全籍茶鹽之利日近守令官司玩習怠慢全不禁戢私販奉聖旨應私販茶鹽並

不用蔭原赦又紹興赦諸律與赦無行文意相妨從赦
其一司一路有別制從別制今准九月二十日恩據
所屬申明見禁犯茶鹽公事合與不合引用紹興赦作
非次赦恩原免本司契勘紹興赦諸海行條內稱不以
赦降原除緣姦細或傳習妖教託幻變之術及故決盜
決江河隄堰已決外餘犯若遇非次赦或再遇大禮赦
者聽從原免又茶鹽約束斷罪等各有所法未審合
與不合引用海行條原赦九月二十六日有旨應私販
茶鹽雖遇非次赦恩特不原免本司檢准紹興赦諸犯
罪未發及已發未論決而改法者法重依犯時法輕從
輕法伏詳今降旨意本緣冒法之人侵耗國計務要禁

時在事
赦在赦

戢私販故專降指揮特不原非次赦恩兼詳所降聖旨
亦無今後之文若或便將似此犯人不原九月四日赦
恩原犯時終未盡降不原非次赦恩指揮又慮合作建
格改引赦原免緣委有疑惑并小貼子看詳九月二十六
日指揮應私販茶鹽雖過非次赦恩特不原減如再過
大禮赦未審該與不該原減小貼子照會紹興敕諸海
行條內稱不以赦原減除緣姦細或傳習妖教等外餘
犯若過非次赦或再過大禮赦者聽從原免亦未審一
司一路一州一縣條法內該載不以赦降原減若遇非
次赦或再過大禮赦合與不合原減仍乞一就申明施
行本部尋下大理寺參詳去後據大理寺申寺司眾官

參詳若私販茶鹽犯在紹興二年九月二十六日指揮
已前依勅合作犯罪未論決而改法法重依犯時外依
紹興勅稱不以赦降原減緣姦細或傳習妖邪託幻
變之術及故決盜決江河隄堰已決外餘犯若遇非次
赦或遇大禮赦者聽從原免即是一遇非次赦與再遇
大禮赦立法一般今來私販茶鹽既專降指揮雖遇非
次赦特不原減即再遇大禮赦亦不合原減所有一司
一路一州一縣條法內稱不以赦降原減事既非海行
法若遇非次赦或再遇大禮赦亦不合原減本部欲依
本寺所申行下從之二月二十五日詔茶園戶自請引
販茶如引不隨茶並依客人興販引不隨茶條法斷罪

施行三月四日福建轉運判官徐宇言紹興二年未發
大龍鳳茶計一十七百二十八斤以去歲盜發建州茶
工不給欲展三年補發上曰當盡蠲免不須更令補發
亦所以寬民力也六日大理寺言本寺昨因渡江散失
條制之後一司專法編錄不全每遇檢斷犯私茶鹽公
事不免旋於臨安府取會專法非特留滯案牘恐供
報漏落落因致引用差誤欲乞下本府將前後茶鹽法并
續降指揮責限一月編錄成冊官吏保明委無差漏送
寺收掌以備檢用所有日後續降指揮亦乞申嚴有司
依條限今騰報下寺施行詔臨安府係駐蹕州軍事務繁
劇今改嚴州限一月抄錄成冊送本寺收掌五月二日

提舉荆湖南路茶鹽公事司言斷絕私販茶鹽惟籍給
賞激勸告捕之人州縣緣盜賊之後皆闕錢椿榷詔逐
州縣四邑共椿三百貫通融支用如係闕錢去處令提
鹽司具的確錢數關提刑司於合發經制錢內取撥椿
榷不得占吝具已支過錢數申尚書省六月四日江西
提舉茶事趙伯瑜言檢准宣和七年六月五日朝旨州
委通判知縣專一督捕私鹽其私茶未有依此明文欲
望申明行下從之八月七日權貨務都茶場言客人般
販茶鹽到住賣處欲用牙人貨賣者合依已立定係籍
等三等户充牙人交易如願不用牙人自與鋪户和議
出賣或情願委託熟分之人作牙人引領出賣者即合

依政和四年十二月二十四日朝旨聽從客便從之十一月二十三日詔都茶場依左藏庫例添置大門監官一員四年三月十六日戶部言檢准紹興三年三月九日指揮今後告獲牙人接引貨賣私鹽罪賞並依正犯人法欲乞今後告獲牙人接引賣買私茶之人並依接引賣買私鹽人已得指揮施行從之四月十三日倉部員外郎檢察福建廣南東西路經費財用公事章傑言據建州申遞年合發省額茶二十一萬六千斤自建炎二年後來因葉濃作過逐年只起罷科茶錢至紹興四年因大禮蒙拋買賞給茶五萬斤以是難買繼蒙朝旨蠲免四萬斤今准戶部符檢會紹興五年分本州合發

省額茶二十一萬六千祈仰計置依限起發續準都督
府劉子准尚書省關勘會建州合發上供茶盡起本色
赴建康府交納令客人請買前去以北州軍係已指擬
淮南支用不可全行減免已得旨特與減三分之一折
起價餘二分起發本色州司照對若令收買二分茶即
計一十四萬四千斤比之紹興四年幾增三倍委是收
買不行乞申明朝廷更賜減免傑勘會建州遞年買發
省額片茶係隔年預借本錢支俵園戶計置拍造入中
後因兵火園戶逃亡製造省少今來却體訪得建州管
下自來磨戶變磨末茶成袋出賣多有客販往淮南通
泰州取會得建州每年批發上件茶引二十餘萬斤今

欲乞將建州合發省額茶且權依紹興四年例發起五萬斤餘並折價錢委自本州收買末茶一十五萬斤赴建康府交納從之八月十六日福建路轉運司言據建州買納茶務監官申昨來章傑申請乞買末茶往建康府召客人販緣末茶滋味苦澁性不^堅實不堪經久委是將來有失官本有旨前降收買起發末茶指揮更不施行七月十八日殿中侍御史魏^正言竊見今秋明堂大禮陛下屢降德音務從簡儉又令有司照應紹興元年體例施行誠知宗祀以交神明在誠德而不在繁文所以內惜國家艱難之費外省州郡輸貢之勞因民心以享天心也檢會紹興元年賞給數內建州臘茶並不

曾催發亦不曾支給知其無益實人亦不復覲覲矣訪
聞戶部今歲拋買大臘茶自五月開務至今纔發得一
綱園戶騷動陪備失業實為可憐況建州自經葉濃范
汝為之亂戶口凋殘瘡痍未復其民方集而易動其俗
喜兵而難安州縣當思無以撫存之不宜以細故重使
失業也臣愚欲望降旨除已發一綱外其餘臘茶許令
依紹興元年賞給特行蠲免更不起綱詔依紹興元年